



पाठ परिचय – आगू जमाना म चिट्ठी-पतरी लिखके सोर-संदेस पठोवैय। फेर अब तो मोबाइल आगे हावय। तभो ले चिट्ठी-पतरी लिखे के अलगे महत्तम होथे। काबर के चिट्ठी के आखर म जादा मया झलकथे। ए पाठ म कका ह अपन भतीजा ल चिट्ठी लिखके मैत्रीबाग के वर्णन करे हे। ए पाठ के उद्देश्य लइका मन ल चिट्ठी-पतरी लिखे के तरीका अउ नमूना के जानकारी देना हे।



मयारुक मनीष,

खुशी रह!

मैं हा इहाँ बने मँजा म हावँव। घर म उहाँ सब झन बने-बने होहू, अइसे आशा करत हँव। मँय ह जउन बुता बर भिलाई आए हँव, ओ बुता होए म अभी अउ समे लागही। तैं ह बने पढ़इ-लिखइ करत रहिबे।

रिसाली, भिलाई
दिनांक 15/10/12

शिक्षण संकेत– लइका मन ल डाकघर के बारे म बतावँय। पोस्टकार्ड, लिफाफा, अन्तर्देशीय पत्र के नमूना देखावँय। उनला चिट्ठी लिखे के महत्तम बतावँय। तीर-तखार के कोनो देखे जघा के बरनन चिट्ठी के रूप म करावँय।



मैं हा काली भिलाई के 'मैत्रीबाग' घूमे बर गो रहेव। मैत्रीबाग ह सुग्घर देखे के लइक हे। भिलाई अवइया मनखे मन एला देखे बर खचित आथें।

मैत्रीबाग ह भिलाई शहर के भीतरी म बड़े जन बगइचा आय। एहा देखे म जंगल-झाड़ी असन दिखथे। ए बगइचा ल लोहा के बड़े-बड़े जाली म घेर-घेर के कतकोन खँड़ बना दे गेहे। इही खँड़ मन म जानवर मन ल खुल्ला राखे गे हे। जम्मो जानवर मन उहाँ अइसे घूमत रहिथें जानो-मानो सिरतोन के जंगल आय।

मैत्रीबाग के एक हिस्सा म चिड़ियाघर बनाए गे हे, जिहाँ बघवा, भलुवा, चितवा, हुँडरा, कोलिहा, कतकोन किसम के हइरना अउ बेंदरा मन अलगे-अलगे रहिथें। पँडरा बघवा, जेब्रा घलो हे। बड़का-बड़का मंगर मन झील के तीर-तीर म सुते रहिथें। सुग्घर अउ रंग-बिरंग के चिरइ मन ह घलो मन ल मोहि डारथें। मैत्रीबाग ह दुनिया भर के कतकोन जात के चमगेदरी मन के माड़ा बनगे हावय।

अड़बड़ अकन लइका-मन अपन दाई-ददा संग इहाँ आय रहिन। ओ मन खेलत-कूदत अड़बड़ मजा करत रहिन। जेला देखके मोला तुँहर मन के सुरता आगे। मैं ह सोंचत रहेव – मोरो लोग-लइका मन कहूँ मोर संग म रहितिन त कतका मँजा आतिस। तोर परीक्षा ल होवन दे, तहाँ

एक पइत जम्मो झन भिलाई घूमे बर आबो अउ मैत्रीबाग ल बने देखबो ।

मैत्रीबाग म एक ठिन बड़े जन झील घलो बने हावय । ओमा फरियर पानी भरे हावय । कमल के फूल घलो रिगबिग ले फूले हावय । झील म डोंगा घलो हे । जेमा सब बइठथें अउ मैजा लेवत घूमथें । तुँहर मन संग आबो त हमू मन डोंगा म बइठ के मैजा लेबो ।

मैत्रीबाग म एक ठिन सुग्घर फोहारा लगे हे । फोहारा के संग म गाना के धुन बाजत रहिथे । जे ह बड़ नीक लागथे । एला देखे बर बड़ दुरिहा—दुरिहा ले लोगन मन आथे ।

एकर छोड़ लइका मन के खेले के अउ झुले के कतको जिनिस हे । लइका मन बर नानुक छुक—छुक रेलगाड़ी घलो चलथे । ये जम्मो जिनिस लइका मन ल बड़ भाथे । जे लइका इहाँ आथे ओहा इहाँ ले जाना नइ चाहय ।

भिलाई म बड़ जब्बर इस्पात के कारखाना हे । ये कारखाना ह रूस देश अउ भारत के मितानी के चिन्हारी आय । इही मितानी के सुरता अउ चिन्हारी खातिर ये “मैत्रीबाग” ल बनाय गेहे ।

ए चिट्ठी म अभी अतकेच । घर म सबो झन ल मोर अड़बड़ मया अउ दुलार ।

तोर कका
रमेसर

कठिन शब्द मन के हिन्दी मायने

मैत्री	—	मित्रता
हइरना	—	हिरण
मैजा	—	आनंद
मितानी	—	मित्रता
बुता	—	काम
दुरिहा ले	—	दूर—दूर से
जेला	—	जिसे
अड़बड़	—	बहुत
सुरता	—	याद
जिनिस	—	चीज

प्रश्न अउ अभ्यास

गतिविधि—

कक्षा ल दू दल म बाँट के एक दूसर ले मुँहअखरा प्रश्न पूछँय। प्रश्न अइसन हो सकत हे—

- क. ए चिट्ठी ल कोन ह काकर बर लिखिस ?
 खा. ए चिट्ठी कहाँ ले लिखे गिस ?

बोध प्रश्न—

प्रश्न 1 खाल्हे म लिखाय प्रश्न के उत्तर लिखव—

1. मैत्रीबाग कोन शहर म हे ?
2. झील म कइसन पानी भरे रहित्थे ?
3. मैत्रीबाग ह देखे म कइसे दिखित्थे ?
4. भिलाई म का जिनिस के जब्बर कारखाना हे ?
5. फोहारा के संग का बाजत रहित्थे ?
6. डोंगा कहाँ चलित्थे ?

प्रश्न 2. खाली जघा ल भरव

1. मैत्रीबाग शहर म हे । (रायपुर/भिलाई)
2. झील के तीर-तीर म..... मन सुते रहित्थे। (मंगर/बघवा)
3. भिलाई म के जब्बर कारखाना हे। (इस्पात/बिजली)
4. म फरियर पानी भरे रहित्थे। (तरिया/झील)
5. मैत्रीबाग म जनावर मन रहित्थे। (बँधाय/खुल्ला)

भाषा तत्व अउ व्याकरण

प्रश्न 1 हिन्दी म (अर्थ) मायने लिखव —

जइसे—	फरियर	=	स्वच्छ
	कोलिहा	=	
	चिरइघर	=	
	डोंगा	=	
	चमगेदरी	=	
	फोहारा	=	
	जिनिस	=	
	जब्बर	=	
	मितानी	=	
	बुता	=	

प्रश्न 2. पढ़व अउ गुनव –

1. मैं हा घूमे ल जाथँव ।
2. ओहा घूमे ल जाथे ।
3. हमन घूमे ल जाथन ।
4. ओमन घूमे ल जाथे ।
5. राजू घूमे ल जाथे ।
6. मीना घूमे ल जाथे ।

प्रश्न 3. खाल्हे म लिखाय शब्द मन के वाक्य बनावव –

जइसे – फोहारा
 वाक्य – फोहारा म नहाय म बड़ मैजा आथे ।
 जिनिस, दुरिहा, बगइचा, बड़का, लोग-लइका ।

प्रश्न 4. लिंग बदलव –

जइसे- ममा – मामी

- | | |
|----------------|-----------------|
| 1. ददा | 2. बघवा |
| 3. बड़का | 4. कका |
| 5. मितान | 6. बेंदरा |

प्रश्न 5. “सभी” हिन्दी शब्द आय, छत्तीसढ़ी म एकर मायने होथे “जम्मो” । अइसने खाल्हे म लिखाय शब्द मन के मायने छत्तीसगढ़ी म लिखव –

1. मगर
2. बहुत बड़ा
3. कितना
4. फव्वारा
5. मित्रता
6. बंदर
7. चमगादड़
8. प्रिय
9. क्यों

रचना–

तुँहर गाँव म लगइया मेला-मड़ई के बरनन करत अपन बड़े भइया ल चिट्ठी लिखव ।

योग्यता विस्तार–

1. चिरइ-चिरगुन अउ जानवर मन के नाँव लिखके उँखर बोली ल घलो लिखव ।
 जइसे- बिलइ – मियाऊँ
2. सुंदर बगइचा के चित्र बनावव ।
3. अपन पसंद के फूल के चित्र बनावव ।

